



**Elorri**ko udala

Kirola, Gazteria  
eta Jarduera Fisikoa

## IRAGARKIA

### **Elorrioko Udalaren dirulaguntza, 2026ko ekitaldian Elorrioko kirolarientzako bakarkako kirola sustatzeko (esp. 2026-00521)**

Alkateak, 2026ko martxoaren 3an emandako 130. zenbakiko Dekretuaren bidez, 2026ko ekitaldian Elorrioko kirolarientzako bakarkako kirola sustatzeko udal dirulaguntzen deialdia onartu zuen. Beraz, dagozkion oinarri espezifikoak osorik argitaratzen dira.

Deialdi hau 2008ko abenduaren 18an egindako Ohiko Osoko Bilkuran onartutako Dirulaguntzen Oinarri Arautzaileen arabera egin da (2009ko martxoaren 9ko Bizkaiko Aldizkari Ofizialean argitaratuak). Bi aldaketa izan zituen: lehena, 2010eko otsailaren 11n Osoko Bilkurak onartua (eta maiatzaren 10ean Bizkaiko Aldizkari Ofizialean argitaratua) eta bigarrena, 2011ko abenduaren 28an Osoko Bilkurak onartua (2012ko otsailaren 10ean Bizkaiko Aldizkari Ofizialean argitaratua).

Elorrion, 2026ko apirilaren 20an.

Alkatea, Julene Lazkano Zenitagoia



## **OINARRI ESPEZIFIKOAK, BAKARKAKO KIROLA SUSTATZEKO DIRULAGUNTZA, ELORRIKO KIROLARIEI ZUZENDUTA. 2026 URTEA.**

Elorrioko Udalak Dirulaguntzen Oinarri Arautzaileak onartu zituen 2008ko abenduaren 18an batutako Udalbatzaren osoko bilkuran, Bizkaiko Aldizkari Ofizialean 2009ko martxoaren 9an argitaratu eman zirenak, eta zuzenketak onartu ostean, berriro argitaratu zirenak bere osotasunean Bizkaiko Aldizkari Ofizialean, 2010eko maiatzaren 10ean, 86 zenbakian. Oinarrietan eta Udalaren Dirulaguntzen Plan Estrategikoan jasotakoari jarraituz, dirulaguntzak eskatzeko deialdia egiten dut, ondoko oinarrien arabera.

### **1. Xedea**

1.1.- Oinarri hauen xedea da 2026 urtean zehar nazioarte, estatu eta erkidego mailetako bakarkako txapelketa ofizialetan parte hartu duten kirolari elorriarrei lehiaketa-bidez emango zaizkien dirulaguntzen arauak ezartzea, eta baita lorpenak aitortzea.

1.2.- Dirulaguntza hauen xedea da 2026. urtean zehar bakarka egindako kirol jarduerak sortutako eta txapelketa ofizialetan izandako gastuak finantzatzea, eta lehentasuna emango zaio emakumeari kirol praktikan, eta kirol egokitua egiteari.

1.3.- Salbuespen gisa, 2026ko ekitaldiaren barruan egiten diren lehiaketen kasuan, dirulaguntza hauek eman ondoren egiten badira, 2025ean egindako lehiaketa baliokidea hartuko da kontuan, betiere aurreko urtean diruz lagundu ez bada.

### **2. Pertsona onuradunak**

2.1. Dirulaguntza hauek eskatu ahal izango dituzte Elorriko erroldatutako bakarkako kirolariek edo taldekoak ez diren kirolak praktikatzen dituzten kirolariak edo haien legezko ordezkariak. Eskabide-orria aurkezteko egunean, eskatzaileak bi urteko antzinatasuna, behintzat, -etenik barik- izan beharko du udal erroldan, praktikatzen duen kirolean kirol lizentzia izan beharko du eta 2026 urtean nazioarte, estatu eta erkidego mailako bakarkako txapelketa ofizialetan parte hartu duela egiaztatzea beharko du.

2.2.- Deialdi honetara ezingo dira aurkeztu dirulaguntza edo laguntza publikoak eskuratzea eragozten duen zehapen penal edo administratiboa dutenek, edo horretarako ezgaitzen duen legezko debekuren baten eraginpean daudenak, Bereziki, Dirulaguntzei buruzko 38/2003 Lege Orokorraren 13. artikuluan zehaztutakoak.

2.3.- Martxoaren 16koa 1/2023 Legegintzako Dekretuak, Emakumeen eta Gizonen Berdintasunerako eta Emakumeen Aurkako Indarkeria Matxistatik Gabe Bizitzeko Legearen testu bategina onartzen duenak, 2.4. artikuluan ezartzen du dirulaguntzen onuradun direnek 3. artikulua (printzipio orokorrak), 17.a (estatistikak eta azterlanak) eta 19.4.a (hizkera inklusiboa eta ez-sexista) bete behar dutela, udalaren eta onuradunen arteko erlazioari dagokion denboran eta gainan.

2.4.-Ezin izango dute dirulaguntza hau eskatu 2026. urtean zehar zehapen irmoa bete dutenek edo betetzen ari direnek, larria edo oso larria den kirol diziplinazko arau-haustea egiteagatik.

2.5. Oinarri hauetan araututako laguntzen deialdian parte hartzeko, 2026ko urtarrilaren 1ean 14 urte beteta izan behar dira.

2.6 Deialdian parte hartzeko, ezin dira ondorengo errenta mugak gainditu:

| * Modalitatea | Errenta- mugak |
|---------------|----------------|
| Bakarkakoa    | 36.721,50 €    |
| Familiarra    | 74.157,00 €    |



**Errenta-aitorpena aurkezteko derrigortasunik ez badago, irizpide hori betetzen dutela ulertuko da.**

***\*Familia-unitatea osatzen dute gurasoek eta errenta aitorpenean zehaztutako seme-alabek.***

**a) Familia-unitatearen errenta-maila finkatzeko, sarrera garbiak hartuko dira kontuan. Sarrera horiek, familia-unitateak egindako pertsona fisikoen errentaren gaineko zergaren likidazioaren zerga-oinarri orokorrari kuota likidoa kentzearen emaitza izango da. Aurrezte zerga-oinarri ere zenbatuko da.**

**Banakako aitorten kasuan, bi aitorten batura izango da kalkulua.**

**Estimazio objektiboko edo zuzeneko estimazioko zerga-erregimenera bilduriko jarduera enpresarialak eta profesionalak badira, irizpide errealak aplikatuta egingo da errendimenduen estimazioa.**

**b) Egoera berezian dauden pertsonen kasuan, kasu bakoitza salbuespen gisa eta banaka balioetsiko da, eta gerta liteke bikotearen diru-sarreraren justifikaziorik zertan aurkeztu ez izatea.**

**Elorrioko Udalak egokitzen dituen informazioa eta agiri osagarriak erreklamatu ahal izango ditu kasu bakoitzaren inguruabar bereziak ezagutzeko.**

### **3. Dirulaguntzaren gehieneko zenbatekoa guztira**

**Deialdi honetarako aurrekontuetan -2026.3400.480.17 “Norbanako kirolariak / Deportistas individuales” partidan- hiru mila euro (3.000,00 €) aurreikusi dira.**

### **4. Diruz lagunduko diren gastuak**

**4.1.- Dirulaguntzak izango dira bakarkako kirola egiteak 2026. urtean sortzen dituen gastuei aurre egiteko, Dirulaguntza Orokorren azaroaren 17ko 38/2003 Legearen eta Dirulaguntza emateari buruzko Udal Ordenantzaren arabera.**

**4.2.- Diruz lagunduko diren gastuak honako hauek izango dira:**

- a) Parte-hartze kuotak, txapelketetan parte-hartzeko eskatzaileak egindako kirol jardueretako joan-etorriak eta ostatu-gastuak.**
- b) Erositako kirol materiala eta ekipamendua.**
- c) Kirol lizentzia-gastuak eta gimnasioetako edota kiroldegietako kuotak.**
- d) Teknikoei edo laguntzaileei egindako ordainketak.**

**4.3.- Ez dira diruz lagunduko honako gastu hauek:**

- a) Botikan erositako produktuak eta protesiak.**
- b) Zehapen ekonomikoetatik eratorritakoak.**
- c) Oinarri hauen 4.2 atalean jaso ez den beste edozein.**

### **5. Dirulaguntzen zenbatekoa**



**5.1.- Dirulaguntzaren bakarkako zenbatekoa ez da inoiz izango bostehun euro (500,00 €) baino gehiago izango hamabost puntu (15 puntu) baino gehiago duten eskatzaileentzat eta berrehun eta berrogeita hamar euro (250,00 €) hamabost puntu edo gutxiago duten eskatzaileentzat.**

**5.2.- Jasotako eskaeren ondorioz ateratzen den zenbatekoak gainditzen badu dirulaguntzarako deialdian aurreikusitako zenbatekoa, hainbanaketa egingo da eskaeren artean.**

**5.3.- Dirulaguntza hauek bateragarriak dira beste erakunde publiko edo pribatu batzuetatik jasotako beste dirulaguntza, laguntza edo baliabideekin Dirulaguntzen Ordenantza Orokorrek aurreikusten duenarekin bat.**

## **6. Epea eta eskabide-orriak aurkeztea**

**6.1.- Eskabide-orriak aurkezteko epea hasiko da deialdiaren eta oinarri arautzaileen iragarkia Bizkaiko Aldizkari Ofizialean argitaratzen den egunaren biharamunean eta bukatuko da 2026ko azaroaren 6an (hau barne).**

**6.2.- Dirulaguntzarako eskabide-orriak Elorrioko udaletxeko HAZean aurkeztu ahal izango dira, edo urriaren 1eko 39/2015 Legeak, Administrazio Publikoen Administrazio Prozedura Erkidearena, 16.4 artikuluan aurreikusten dituen eretatik edozeinetan. Honako agiriak aurkeztu beharko dira:**

- **Eskari-inprimakia, atal guztiak beteta (I. Eranskina).**
- **Oinarrietako 16. ataleko datuak, baldin eta Elorrioko Udalak eskura dituen datuen bitartekotza-sistemen bidez, datu hauei buruzko beharrezko egiaztapenak eta kontsultak egitearen aurkakotza egiten badu eskatzaileak. Honakoak dira aurkeztu beharrekoak:**
  - **Zerga-betebeharrak egunean izatearen ziurtagiria (BFA)**
  - **Gizarte Segurantzaren Diruzaintza Orokorrekiko (GSL) betebeharrak ordainduta dituela egiaztatzen duen ziurtagiria.**
  - **Nortasuna egiaztatzea.**
- **Kirol lizentziaren fotokopia, 2026. urtean indarrean egon behar duena.**
- **Dagokion Federazioak egindako egiaztagiria federatua, egiaztatzeko larria edo oso larria den kirol diziplinazko edo administrazioiko arau-hauste egiteagatik zehapen irmoa ez dela betetzen ari edo ez duela bete 2026. Urtean.**
- **Eskatzailearen kirol historia (emaitzak eta sailkapenak) dagokion Kirol Federazioaren oniritziarekin.**
- **Kirolaria kirol egokituan ari bada, ezgaitasunaren maila eta mota egiaztatzen dituen agiriak.**
- **Justifikazioko kontua: fakturak eta ordain-agiriak, hala nola beste erakunde publiko edo pribatuengatik jasotako dirulaguntzak.**
- **2026. urtean zehar egindako txapelketen kasuan, dirulaguntza hauek emon baino beranduago egin direnean, aurreko urtekoa hartuko da kontuan, aurreko urtean dirulaguntzarik jaso ez badu.**
- **Hirugarrenen alta behar bezala beteta. Agiri hau paperean edo online egin daiteke. Agiri hauek ez dira aurkeztu behar izango aurreko urteetan Elorrioko Udalak egindako deialdi-etan aurkeztu badira, beti ere, agiri horiek edo hauek jasotzen dituzten datuak aldatu ez badira.**



<https://www.elorrio.eus/eu-ES/Izapideak/Orriak/info-tramite.aspx?id=295cb091-c85c-4be0-b4f4-c485119cdb35>

- Bi argazki original, formatu digitalean, eskatzen duen dirulaguntzako kirol-jarduera egiten; argazki horien eskubideak Elorrioko Udalari lagatzen zaizkio, dirulaguntza horiekin lotuta erabil ditzan. Argazki horiek posta elektronikoz bidali beharko dira kirola@elorrio.eus helbidera.
- Kirolari adingabeen kasuan, nahitaezkoa izango da guraso-ahala egiaztatzen duen agiria aurkeztea.
- Familia unitatearen 2025eko errenta aitortpena, behin behineko edo behin betiko likidazio orria.

6.3.- Kirolaria adingabea denean eskaria eta beharrezkoa den dokumentazioa guraso ahala duen aitak, amak edo legezko ordezkariak aurkeztu beharko du.

6.4.- Eskabide-orria aurkezteak oinarri arautzaileak eta Dirulaguntzen Ordenantza Arautzaileak xedatzen dutena onartzea dakar. Halaber, Elorrioko Udalari dagokion egiaztapenak egiteko baimena ematea.

6.5.- Eskabide-orria aurkeztean datuak edo dokumentazioa falta badira, edo akatsen bat zuzentzea beharko balitz, eskatzaileari 10 egun baliadun emongo zaizkio akatsak zuzentzeko edo falta diren agiriak aurkezteko, eta jakinaraziko zaio okerrak zuzendu ezean eskaera atzera egingadatzat joko dela, horretarako ebazpena emon ondoren.

## 7. Onuradun izateko debekua

Dirulaguntzen Ordenantza Arautzailean eta Dirulaguntzei buruzko 38/2003 Lege Orokorrean bereziki, 13. artikuluan jasotako arrazoiez gain, ezingo dute dirulaguntzarik jaso eskabide-orria aurkeztutako egunean udal ogasunarekin, foru ogasunarekin eta Gizarte Segurantzaren zergabidezko betebeharrak egunean ez dauden eskatzaileak. Eskatutako agiriak edo ziurtagiriak aurkezte hutsak ez du esan gura onartuko direnik.

Ezingo dira onuradun izan administrazio-bidean, lan-bidean edo zigor-bidean berdintasun-eskubidea urratzeagatik eta sexuan oinarritutako bereizkeriari egiteagatik zehazpen irmoa jaso duten pertsona edo entitateak.

Martxoaren 16ko 1/2023 Legegintzako Dekretuak, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testuategina onartzen duenak eta martxoaren 22ko 3/2007 Lege Organikoak, Emakumeen eta gizonen berdintasun eragingarrikoak, xedatzen dituzten betebeharrak betetzen ez dituztenak.

Dirulaguntza edo laguntza publikoak eskuratzea eragozten duen zehapen penal edo administratiboa izatea, edo horretarako ezgaitzen duen legezko debekuren baten eraginpean egotea, Martxoaren 16ko 1/2023 Legegintzako Dekretuaren, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testuategina onartzen duenaren edo Emakumeen eta Gizonen Berdintasunerako martxoaren 22ko 3/2007 Lege Organikoaren arabera sexuaren ziozko bereizkerian erortzeagatik gertatutakoak barne.

## 8. Eskaerak baloratzeko irizpideak

8.1- Dirulaguntzak emoteko prozedura lehiakorra izango da, eta, dirulaguntza ematerakoan aurkeztutako eskabideak konparatuko dira.

8.2.- Elorrioko Udalak erabakiko du zein eskaera onartu, eskatutako baldintzak bete bai eta baztertzeko arrazoirik ez dutenen artean. Dirulaguntzak emoteko ondoko irizpide eta balorazio-mugak hartuko ditu kontuan, gehienez lor daitezkeen puntuak 45 izanik.

- a) 2026 urteko kirol-ibilbidea: eskatzailearen kirol ibilbidearekin lotutako kontuak.



**Parte-hartzea eta kirol jardueraren sustapena, trebetasunak, kirol emaitzak eta lortutako sailkapenak. 20 puntu gehienez.**  
**(Puntu gehien lortutako txapelketari emongo zaizkio puntuak eta ez dira metagarriak).**

**Ez dira kontuan izango eskola mailako fitxa edo kategoriako jarduerak, federatu gabeko jarduerak, master kategoriakoak (Europako txapelketak edo Munduko txapelketak izan ezik) edo antzekoak.**

**Ez da kontuan izango kidea den klubaren ohiko plangintzan sartzen den jarduerarik.**

- 1) Kirol diziplinako federazioak antolatutako nazioarteko txapelketa ofizialetan parte-hartzea (Europako Txapelketak eta Munduko Txapelketak):**
    - i. Domina lortzeagatik: 20 puntu.**
    - ii. Parte-hartzeagatik: 16 puntu.**
    - iii. Master kategorian parte hartzeagatik: 5 puntu**
  - 2) Europako txapelketak eta Munduko txapelketak ez diren eta kirol diziplinako federazioak antolatutako bestelako txapelketa internazional ofizialetan parte-hartzea:**
    - i. Parte-hartzeagatik: 10 puntu**
  - 3) Kirol diziplinako federazioak antolatutako estatu mailako txapelketa ofizialetan parte-hartzea (Espainiako Txapelketa eta Espainiako Kopa):**
    - i. Domina lortzeagatik: 16 puntu.**
    - ii. Parte-hartzeagatik: 10 puntu.**
  - 4) Kirol diziplinako federazioak antolatutako autonomia erkidegoko txapelketa ofizialetan parte-hartzea (Euskadiko Txapelketa eta Euskadiko Kopa)**
    - i. Domina lortzeagatik: 10 puntu.**
    - ii. Parte-hartzeagatik: 5 puntu.**
- b) Genero-berdintasuna (kirol-arloan emakumeen parte-hartzea eta ikusgarritasuna sustatzeko ekintza positibo bezala):**
- o Emakume kirolaria izatea: 10puntu.**
- c) Aniztasun funtzionala (kirol arloan kirol egokitan parte-hartzea eta ikusgarritasuna sustatzeko ekintza positiboa bezala):**
- o Kirol egokituko kirolaria izatea: 10 puntu**
- d) Herri Kiroletako kirolaria izatea**
- Bai: 5 puntu; ez: 0 puntu.**

**8.3.- Jasotako eskabide-orri guztiak aztertu ondoren eta balorazioa egin ondoren eskumena duen organoak dirulaguntzak banatuko ditu, banatuko den dirulaguntzen muga aurrekontukoa izanik.**

## **9. Prozedura, instrukzioa eta erabakia**



**9.1.-** Prozeduraren instrukzio-organoa gazteria eta kirol arloko teknikaria izango da.

**9.2.-** Fase honetan Elorrioko Udalak, instrukzio organoaren bitartez, aurkeztu diren proposamenak konparatu eta baloratu beharko ditu.

**9.3.-** Eskariak aurkezteko epea amaituta, eskariak aztertuko dira eta, dokumentazioa falta izanez gero, premiazko eskea egingo zaie elkarte interesdunei hamar eguneko epean falta den dokumentazioa aurkez dezaten. Eta jakinaraziko zaie okerrak zuzendu ezean eskaera atzera egindakotzat joko dela.

**9.4.-** Epe horren ondoren, udal teknikariak txostena egingo du, informazio-batzordeak ebazpen-organoari bere irizpena proposa diezaion. Txosten horretan jasoko dira, gutxienez, baztertutako eskabide-orriak eta baztertzeko arrazoiak; onartutako eskabide-orriak; jasotako puntuazioa eta eman behar diren dirulaguntzen zenbatekoak, eta oinarrietan aurreikusitako betebeharrak betetzen dituztela.

**9.5.-** Erabakia emandakoan, horren berri emango zaie interesdunei, urriaren 1eko 39/2015 Legearen 40 artikulua eta hurrengoek aurreikusten dutena jarraituz.

**9.6.-** Hartutako erabakiak administrazio bideari amaiera emango dio, eta erabakiaren kontra Udaleko alkatearen aurrean berraztertze errekurtsoa tartekatzeko aukera egongo da, edo baita zuzenean administrazioarekiko auzi-errekurtsoa tartekatzeko Bilboko dagokion auzitegi-an. Hori guztia, urriaren 1eko 39/2015 Legearen 40. artikulua eta hurrengoek, eta administrazioarekiko auzien jurisdikzioa arautzen duen 29/1998 Legearen arabera.

## **10. Dirulaguntzen zenbatekoa eta ordainketa**

**10.1.-** Diruz lagundu daitezkeen gastuen %100a finantzatu ahal izango da, betiere oinarrietan ezarritako kreditu-muga gainditzen ez bada.

**10.2.-** Onuradun bakoitzari ordainduko zaion zenbatekoa idazkaritza teknikoak egindako txostenean jasotakoa izango da, zortzigarren oinarrian ezarritako irizpideetan oinarrituta.

## **11. Zuriketa**

**11.1.-** Eskabide-orrian erantsitako agiriekin egingo da zuriketa.

## **12. Onuradunen betebeharrak**

**12.1.-** Diruz lagundutako jarduera orok komunikazio inklusiboa erabiltzea, non ez diren erabiliko pertsonak sexu, genero, jatorri edo bestelakoengatik umiliatu, degradatu edo estereotipatzen dituzten irudiak edo idatzizko edozein komunikazio-elementu. Berdintasuna eta pertsonen aniztasuna irudikatzen dituzten irudiak eta hizkuntza bultzatuko dira.

**12.2.-** Erabiliko den material guztietan estereotipo sexistak edo emakumeak diskriminatzen dituen adierazpenik ez agertzea.

**12.3.-** Dokumentazio guztian, publizitatean, irudian edo materialetan Elorrioko Udalean indarrean dauden hizkuntza irizpideak bete beharko dira.

**12.4.** Onuradunek bere irudia laga beharko diete Elorrioko Udalari dirulaguntzarekin lotuta egiten den edozein ekitaldirako. Gainera, bi argazki original, formatu digitalean, emon beharko dituzte dirulaguntza jaso duten kirola egiten eta argazkien eskubideak lagako dizkiote Elorrioko Udalari dirulaguntzarekin lotuta edozertan erabili ahal izateko.

**12.5.** Ahal den neurrian, euskara izango da erabilpen-hizkuntza administrazioarekiko harremanetan.



### 13. Arau-hausteak, zehapenak eta itzulketak

Arau-hausteak eta zehapenak, hala nola dirulaguntzaren itzulketak honako araudiak xedatutakora egongo dira: Dirulaguntzen Ordenantza Arautzailea, azaroaren 17ko 38/2003 Legea, Dirulaguntzen Orokorra, eta hau onesten duen uztailaren 21eko Erregelamendua, 887/2006 Errege Dekretu bidez onartua.

### 14. Araubide juridikoa

Oinarri hauetan aurreikusi ez denerako honako hauetan aurreikusitakora joko da: Dirulaguntzen Udal Ordenantza Orokorra (2010eko maiatzaren 10eko 86 BAO), azaroaren 17ko 38/2003 Legea, Dirulaguntzen Lege Orokorra, eta 887/2003 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorraren Erregelamendua onesten duena.

### 15. Datuen babesa.

2016/679 Erregelamendu Orokorraren (DBEO) eta abenduaren 5eko 3/2018 Lege Organikoaren (DBLOPDGDD) arabera, eskatzaileari jakinarazten zaio emandako datu pertsonalak honako baldintzen arabera tratatuko direla:

**Arduraduna:** Elorrioko udala – [dpo@elorrio.eus](mailto:dpo@elorrio.eus) / **Datuen babeserako ordezkaria:** Elorrioko Udaleko idazkaria [dpo@elorrio.eus](mailto:dpo@elorrio.eus).

**Helburua eta datuak gordetzeko epeak edo irizpideak:** Dirulaguntzen izapidetzea.

**Legitimazioa:** Dirulaguntzen Lege Orokorrak eta Udal Dirulaguntzen Ordenantza Orokorrak ezarritako lege-betebeharra.

**Kontserbazioa:** Datuak gordeko dira aipatutako helburua betetzeko behar den denbora zehatz-mehatz, eta, edozein kasutan, aplikatu beharreko artxibo-araudiak ezartzen duena errespetatuz.

**Hartzaileak:** Ez zaie daturik lagako hirugarrenei, lege-betebeharririk izan ezean. Arduradunak soilik jakinaraziko dizkie datuak agintari eskudunei, betebeharririk legalak betetzeko edo agintaritz-eskaerei erantzuteko beharrezkoa denean.

**Eskubideak:** Eskatzaile diren pertsonak eta elkarteek honako eskubideak erabil ditzakete: atzipena, zuzenketa, mugaketa, ezabaketa, aurka egitea edo eramangarritasuna. Horretarako, idatziz jo beharko dute Elorrioko udalaren erregistro orokorrera edo datu-babeserako ordezkariaren helbide elektronikora ([dpo@elorrio.eus](mailto:dpo@elorrio.eus)). Eskabidean, eskatzailearen nortasuna egiaztatuko beharko da.

**Informazio gehigarria:** Kontsulta daiteke hemen: <http://www.elorrio.eus>.

**Erreferentzia juridikoa:** Abenduaren 5eko 3/2018 Lege Organikoa, Datu Pertsonalak Babesteari eta Eskubide Digitalen Bermeari buruzkoa.

Era berean, erreklamazioa aurkeztu ahal izango da Datuak Babesteko Euskal Bulegoan.

### 16. Elkarreragingarritasuna

Elorrioko Udalak dokumentuak eta informazioa eskatu ahal izango dizkie beste administrazio batzuei, elkarreragingarritasunaren esparruan,

Administrazio Publikoen Administrazio Prozedura Erkidearen urriaren 1eko 39/2015 Legearen 28. artikulua eta Gardentasunari, informazio publikoa eskuratzeko bideari eta gobernu onari



**buruzko abenduaren 9ko 19/2013 Legearen 5. artikulua**ren arabera. Horren helburua da eskatutako dirulaguntzen kudeaketa erraztea eta administrazio-izapideen eraginkortasuna bermatzea.

Udal honek beste administrazio batzuetan norbere datuak eta dokumentuak kontsulta ez dituzan eskubidea du eskatzaileak. Eskubide horretaz baliatzea erabakitzen badu, behar bezala arrazoituta idatzia egin beharko du, eta zergatia adierazi. Behar den moduan arrazoitu gabeko erabateko ezetzik ez da onartuko. Datuak eskatzearen aurka egiteko idatzia dirulaguntzak eskatzeko epean aurkeztu behar du.

**Oposiziorako idatzian honako datu hauek zehaztu behar ditu behintzat, eskatzaileak:**

- Eskatzailearen datuak.
- Zer dokumentu edo datuei egiten dien aurka zehaztu.
- Informazioa kontsultatzearen aurka egiteko arrazoiak adierazi eta haien justifikazioa.

Eskatzaileak baliozko oposizio arrazoitua aurkezten badu, Administrazioak oposizio hori ebaluatuko du, eta erabakiko du ea egokia den beste administrazio batzuei dokumentuak eskatzen jarraitzea. Oposizioa ezesten bada, dirulaguntza izapidetzeko behar den informazioa eskatuko da.

Dirulaguntzen eskaerak sinatzeak berekin dakar dirulaguntzaren oinarrietako baldintzak onartzea, eta dokumentuak kontsultatzearen aurka egiteko eskubidea aitortzen du, bai eta oposizio hori dirulaguntzen eskabideak aurkezteko epearen barruan modu arrazoituan aurkezteko bete-beharra ere.

Arestian adierazitakoa gardentasunaren eta datuen babesaren arloan indarrean dagoen araudiak arautuko du, bereziki, Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Legeak eta (EB) 2016/679 Erregelamenduak, datu pertsonalen tratamenduari dagokionez pertsona fisikoak babesteari buruzkoak.